

**В неделю вечера и в понед. на «Бог – Господь»:**

**В**оспитавшейся во храме во святая святых, / одянной верою и премудростию и безмерным девством, / Архистратиг Гавриил принесе с Небесе целование / и еже радуйся, радуйся, Благословенная, // радуйся, Препрославленная, Господь с Тобой.

**В конец утрени:** **Я**ко всех еси творений Вышшая, / воспевати Тя достойно недоумевающе, Богородице, // туне, молим Тя, помилуй нас.

**В понед. вечера и во вторник на «Бог – Господь»:**

**К** Богородице прилежно ныне притецем, / грешнии и смиреннии, и припадём, / в покаянии зовуще из глубины души: / Владычице, помози, на ны милосердовавши, / потщися, умираем от множества прегрешений, / не отврати Твоя рабы тщи, // Тя бо и едину Надежду имамы.

**В конец утрени:** **Т**я величаем, Богородице, вопиюще: / Ты еси купина, в нейже неопально Моисей виде, // яко пламень, Огнь Божества.

**Во вторник вечера и в среду на «Бог – Господь»:**

**Д**ево Пренепорочная, Мати Христа Бога, / оружие пройде Твою пресвятую душу, / егда распинаема видела еси волею Сына и Бога Твоего, / Егоже, Благословенная, молящи не престай // прощение прегрешений нам даровати.

**В конец утрени:** **Т**я величаем, Богородице, вопиюще: / Ты еси гора, от неяже неизглаголанно отсечеся Камень // и врата ада сокруши.

## Богородичны опустительныя по тропарех святых, глас 4

**В среду вечера и в четверток на «Бог – Господь»:**

**С**лово Отчее, Христа Бога нашего, / от Тебѣ вопло-  
тившагося, познахом, Богородице Дѣво, / едина Чис-  
тая, / едина Благословѣнная. // Тем непрестанно Тя,  
воспевающе, величаем.

**В конец утрени: Я**ко всех еси творений Вышшая, /  
воспевати Тя достойно недоумевающе, Бого-  
родице, // туне, молим Тя, помилуй нас.

**В четверток вечера и в пяток на «Бог – Господь»:**

**Д**ево Пренепорочная, Мати Христа Бóга, / ору́жие  
пройде Твою пресвятую дúшу, / егда распинаема ви-  
дела еси волею Сына и Бóга Твоегó, / Егóже, Благо-  
словенная, молящи не престай // прощение прегреше-  
ний нам даровати.

**В конец утрени: Т**я величаем, Богородице, во-  
пьюще: / Ты еси гора, от неяже неизглаголанно отсе-  
чеса Кá-мень // и врата áдова сокруши.

**В пяток вечера и в субботу на «Бог – Господь»:**

**Е**же от века утаѣнное / и Ангелом несведомое таинст-  
во, / Тобою, Богородице, сущим на земли явйся  
Бóг, / в неслитном соединении воплощам, / и, Крест  
волею нас ради восприим, / имже воскресив перво-  
зданнаго, // спасе от смерти души наша.

**В конец утрени: Т**я величаем, Богородице, во-  
пьюще: / Ты еси купина, в нейже неопально Моисей  
виде, // яко пламень, Огнь Божества.